



Philosophical Transactions

Please note: Due to an error in the print volume, the page numbering in this article may contain either page numbering skips, or page numbering repetitions, or both. However, the article content is presented in its entirety and in correct reading order.

Please click on "Next Page" (at the top of the screen) to begin viewing the article.

-
- I. *Epistola D. Antonii Mesaporiti, M. C. Genuensis ad Cl. Antonium Vallesnerium, Med. Pract. Prof. P. Patavin. de Eruptione Sanguinis e singulis fere corporis humani partibus; & de dolore Ventris ab intestinis in crassam & cartilagineam substantiam concretis orto.*

Gratulari tibi, Amice, quem jam diu plurimi faciebam, venio, sic tua te studia disposuisse, ut quo æternitati vivas ampliori nomine non indigeas. Quis enim ambigat te ad summum gloriæ fastigium ipsis miraculorum alis evehendum, qui monstra, & extra naturæ leges pacta novis typis illustrare satagit? Videbaris literarii honoris apicem attigisse arduo illo quidem, sed felici opere, quo ingeniosis experimentis prima viventium stamina detexisti, animaliumq; principia per tot disputacionum ambages antea agitata ad sensum usque manifestissima incredibili studio reddidisti. Sed altius adhuc potuit assurgere liber spiritus, & quandoquidem ipse supra ordinem est, ea persequi sibi proposuit quæ extra ordinem sunt. Velle aliquod observantiae, & amoris erga te mei, ob tantam excellæ mentis alacritatem, documentum præbere, quod certe dignius præstare posse non arbitor, quam si aliquam ex rarioribus meis observationibus tibi dicaverim. At conquereret oblivionis rubigine pene deletas plurimas & digniores, quas è cadaverum inspectionibus dudum collegi, nisi penso faveret recens longeq; curiosior *formosæ Virginis* casus, ad quem libens converto calatum, nil dubitans ita me pro genii tui delectatione facturum.

Honestissima visendæq; speciei Juvenis, cui natura ad 18 annum, integerrimam valetudinem hilaremq; genium dederat,

dederat, per modic平es nunc ducta morborum modso incidit in fluxum sanguinis ex inusitatib; partibus, & tandem in deterimam partialis sudoris speciem ex ambitu corporis. Quamprimum in ea etate concipiendæ spei apertissimā gravi sensu correpta fuit, post diuturnum stomachi laborem cœpit sanguinem tussi expuere occasione ementitæ pleuritidis, quā die nonā Aprilis febricitabat cum dolore lateris, & difficiili respiratione: Quarto insultū die thoracis morbo evanescente, capit is dolore, quo & antea laboraverat, gravari, & sine levamine sanguinem fundere ē naribus observabatur - quocirca hujus copiam ē pede detraxit Chirurgus Familiaris, qui bis eductum primis diebus ex brachio gelatinosum inspexerat. Verum haud decresceret morbus, qui conceptum virus in promptu habebat movere ad ulteriora; hinc superaddita est afflictio Juveni Cardialgia, unde vomitus primum viscidi, & virtutis humoris, mox sanguinis, nec proinde capit is ægritudine allevabatur, quin circulo quodam ordinato recurrentibus purpureus liquor ex utraque parte, & ad multos dies prodibat. Malorum importuna vicissitudo nimis adhuc increbuit, cum circa initium Maii erumperent Menses, & prout ipsi mos erat in sufficienti mensurā. Quid inde opinaretur Chirurgus, qui usq; modo solus curationi aderat, haud potui ab ipso ediscere. Manna potionem exhibait post septimum diem, & ab ea licet non parum perturbata in pejus ægra ruere videretur, attamen paulo postea febris in totum cessavit, quæ antea plus vel minus una cum vigiliis ingravescens fuerat continua. Vix per integrum hebdomadam habuit otium morbus, cum febris rursus invaserit comitata dolore artuum, & potissimum ventris, quibus licet se se citius expediverit absumpto nempe oleo Amygdalium rect. sine igne extracto, nihilominus constans vomitionis molestia, & sanguinis jactura summopere urgebant.

Diro Symptomati ut occurserent Clarissimi Medici, consaluerunt in minori dosi, & per vices sanguinem ex Salvatella

Salvatella detrahere, anodina, adstringentia, & alia quam plurima adhibere ; quod eis executioni mandatum fuerit, incontanti methodo procedens affectus, frequentiores excretorum vias fere omnes cum attigisset, caput per inustatas errare.

Cum igitur circa initium *Junii* thesaurus vitalis ex aribus effluxisset, paulo post curiosiori spectaculo ex acumine digitorum primo manuum, deinde pedum se fundere visus est : Mox ex umbilico, & ex angulo oculi ; hinc pluries per sudorem, inde tandem ex medio pectore, postea ex pede, eoque loci, ubi tunditur Saphena, tandem ex utraque volâ manuum, & ex opposita parte ; post biduum ex mento, noctu ex acumine linguae, ita ut quatuordecim dierum spatio discriminem hoc, veluti fabulosum maxiua ex parte absolverit. Motus novitate rei, & Amicorum impulsu veni ad Juvenem, quam miratus viribus mediocriter constare, & jucundo vultu singula mihi enarrare, prout ab aliis audiveram : Adhuc cernere erat superstitem cicatriculam in volâ sinistram manu ad instar inaequalis puncturæ leviter impressam, unde sanguis pridie fluxerat, retulitq; id non sine sensatione tristi factum fuisse, uti semper contigerat, cum ex speciali loco prodiret ; ubi vero ex pectore, aut aliis partibus sudoris specie emanaverat, nullum apertum pori reliquerat vestigium ; id tantum ex induisi patebat, quorum duo vidi ad latitudinem scuti aurei cruce rosoe sparsim colorata. Die 14 *Junii* apparentibus menstruis iustò copiosioribus, inde sublatum morbum nonnulli crediderunt, potissimum quod viginti dierum inducias fecisset. Verum inchoato altero sudoris exordio, & ad multum tempus procedente miscella debilitari sentiebatur, & sanguis discolor apparere. Hinc recreandi spiritus, mutanturq; fortunæ gratia in alterum aerem sese transtulit. At qualis secesserat, rediit ad Urbem die quinta *Augusti*, immo insirior, quod prater morbi acerbitatem, artis quoque methodo exhaustâ ulteriore jacturam fuisse experta. Hinc non dissimili modo progrediente ægritudine, & paucis tantum

tantum habitis intervallis effundendo sanguinem modò ex una parte, modò ex alterà, sèpius per sudorem, quod reliquum erat ejusdem mensis, & medium *Septembris* conficerat. Petri aegræ domum, & confabulando diutius cum immorarer, accidit, quod forte expetiveram, ex dolore lancinanti in extremo unius digiti manùs admonitam fuisse sanguinem inde extillaturum, quem notavi, veluti ex profundiori puncturâ, mox ex altera parum distanti guttatum decidere, & indusum supra Pectus recenti maculâ signari videram priusquam recederem. Post triduum mirabiliorē sanguinei sudoris copiam exhibuit, quo se multis crucibus alijsq; characteribus Divinæ Passionis indusia supra pectus depingebantur. Hujus rei primi inspectores Astrologis assimilandi videri poterant, quòd, ut isti ex Stellis, ita illi ex sanguinis Asterismis varias figuræ propria imaginatione componerent: *vere tamen clareq; apparebant figuræ;* Unde factum id fuerit prorsus ignoro; & quoniam *Sacri Antistites* id strictius inquirendum minimè judicarunt, ita veritati suæ relinquens ad finem Historiæ redeo. Veh nullum, aut exigui momenti sudorem deinceps passa est. Attamen reticere non debeo ex levi excoriatione supra maleolum casu torturæ pedis factâ uberiorem inde penum serositatis effluxisse, ut stypticis remediis, & compressis fasciis non facile sisteretur.

Inauditi eventus difficultas commovit ingenia Physicorum: Non naturale prodigium existimasset vulgus, nisi plures Historiæ in promptu fuissent. Omnium Senior Medicus *Fabricius Ardissonus*, qui nonagesimum attingit annum, retulit mulierem annorum triginta se olim curasse, cui suppressæ erant menses, & sanguis ad multum tempus ex ocu-li angulo fluebat, revocatis nimirum Menstruis ad consueta naturæ. Extant & alia exempla videnda apud Auctores, *Benivenium, Hollerium, &c.* Attamen horum omnium obstrucio aliqua inculpanda venit, unde sanguis extra vasorum confinia cogeretur. In præsenti casu alio ratiocinio procedendum est, quod obstructionum idea non obscure locum

non habeat. Sanguinis tantum subtilissima crasis in conspectum venit, unde color ejusdem roseus in principio, mox dilutus satis apparuit. Nec aliquis dicet in principio fuisse observatum gelatinosum, hoc enim minimè evincit crassiorem substantiam, sed partium tantum concrescibilem majorem elixationem, idq; præsertim fit obvium, cum educitur ingravescente febris accessione. Pluribus abhinc annis aderam cum Nobili filiolæ, occasione acuti morbi vena tundebatur, & vidi album serum & tenue emanare loco cruris, & concrevit. Attamen haud inficior eam causam, ut adæquatam, minimè posse sufficere, multo minus posse arridere Naturæ Myстis, quibus certam & insensibilem quandam cruris dispositionem hariolandam mitto. Hoc studium deponere me plura docuerunt, non modò, quod praxim excentibus, cum ad minus sensibilia distorquemus ingenium, urgente ægritudinum statu, fallimur ; verùm quia & ipsæ *Observationes Anatomicae* plane evincunt ut plurimum inveniri aliquod insigne, quod in mente excidere nunquam poterat. Liceat mihi dare exemplum, quia rarissimum, et si minus faciat ad rem propositæ Historiæ.

Accessit curandus nuper elapsò mense Octobris Vir Rusticus, & ex multo tempore extenuatus, laborans tormentibus ventris, atq; Hypocondriorum Spasmodicis contractionibus, nil fere dejiciebat per inferiora, & continuo languore exolutus spiritu tandem defecit. Non esset qui non deduxisset morbum hunc ad Siccatorium ex Hippocrate appellatum, maxime quod quæ ab Hypocondriis obstinate vel deformiter procedunt ad Proteiforme referre omnes consuescimus ; hinc in fermentis & succis Tartareis positâ causa Syndromen totam explicare parum quisq; laborasset. Aperto cadavere invenimus intestina crassa, præcipue ubi in vicinia *Duodeni* flectuntur, mediis protuberantiis callosis invicem, & cum adjacentibus consolidata, ut obscurum esset unum ab altero disjungere, & quod pejus erat, eorum substantiam ad instar duriusculæ cartilaginis concretam, & crassam, ut nulla fere cavitas amplius superesset. Itaq; rejiciens

jiciens ulteriorem indaginem eorum quæ magis recondita sunt dicam cum Philosopho morali, *totam rerum naturam umbram esse aut inanem aut fallacem, neq; me irasci illis qui nihil nos scire volunt, neque illis qui me hoc quidem nobis relinquunt.* Tu interim amice, quem diutius amare me vellem, ut diu valeas cura.

Genuæ, Decembris 5. 1703.

II. Gulielmi Cockburni M. D. Solutio Problematis de Purgantium & Emeticorum Medicamentorum Dosis determinandis in quacunque Hominis Ætate, Temperamento, Temperamenti varietate per universum Terrarum orbem, ab ipso mense Martio proxime elapso, in Actis Philosophicis propositi. Et Illustri admodum Doctoque D. Edwardo Southwell, Annæ Regiae a Secretis Hibernicis, &c. consecrata.

Quo rectius diversas emeticorum & purgantium Medicamentorum Doses, pro Temperamentorum & Ætatum varietate, decernamus. Supponendum est, Primo, istiusmodi Medicamenta nihil prius posse operari quam in Sanguinis massam appulerint, & eidem penitus immisceantur: Constat enim, ni Nauseam moveant, nullum ab iis effectum sensibilem produci multo post tempore quo in eandem devehit possint. Secundo, generaliorem eorum effectum esse temperamenti sanguinei aliorumque Liquorum gyrationem Alterationem.

Ex hisce duobus Postulatis concludimus, quod ubi Sanguinis Crasis est eadem Medicamentorum Doses, ad certum aliquem elicendurn effectum, sanguinis Quantitatib; proportionales.